

Proceso participativo Naves do Metrosidero

Acta do 2º encontro - 11 de maio de 2018, 10:30-14:00h

Centro Cívico Cidade Vella, A Coruña

Asistentes: variable, 25 persoas (13 homes e 12 mulleres)

O primeiro encontro do proceso participativo Naves do Metrosidero dividiuse en dúas partes:

Na primeira parte realizouse unha presentación desenvolvida por Arnau Boix, encargado do deseño do proceso participativo. Nesta explicouse en que momento do proceso participativo se sitúa a segunda sesión e, a continuación, expúxose o mapa territorial e o mapa social executados coa información producida na anterior sesión e dos Participadoiros (procesos participativos xuvenís desenvolvidos pola Concellaría de Participación durante o 2016 e 2017).

Para finalizar a presentación, realizouse unha breve introdución de como se traballaría na segunda parte explicando que se realizaría en formato obradoiro. Neste obradoiro analizarase e traballarase sobre a relación que pode ter un equipamento no contexto urbano en que se sitúa analizado con base en catro eixos temáticos:

- Lugares de sociabilidade
- Usos e actividades
- Atractividade, imaxe e confort
- Accesibilidade

Na segunda parte, iniciáronse os obradoiros participativos dinamizados por Arnau Boix, Konstantina Chrysostomou e Alba Domínguez (equipo Pla Estel*). O obxectivo do obradoiro era construír unha maqueta colaborativa traballando sobre as catro temáticas expostas.

Primeiro realizáronse dous grupos de traballo, explicouse a dinámica do obradoiro e deixáronse 10 minutos para compartir e incorporar nova información aos mapas realizados (mapa social e mapa territorial). Seguidamente, cada grupo traballou sobre un ámbito concreto da cidade respondendo ás fichas de cada temática. Coa guía das fichas analizouse o estado actual da zona, e despois iniciouse un debate sobre que lugares eran un espazo de oportunidade para as naves. Os puntos e/ou percorridos de oportunidade fixéronse no soporte da maqueta.

Unha vez debatidas o catro temáticas, púxose en común o traballo realizado por grupos nunha soa sala con todos os asistentes ao encontro.

Para finalizar a actividade, fíxose unha reflexión final respondendo á seguinte pregunta: Como se poden aproveitar as naves das oportunidades detectadas?

Primeiro realizouse unha resposta individual, e despois un resumo por pequenos grupos; para concluír o obradoiro, puxéronse en común os resultados desta reflexión final.

A sesión desenvolveuse con normalidade e construíuse a maqueta coas achegas de todas. As persoas participantes colaboraron activamente durante toda a sesión e realizaron contribucións moi útiles e proveitosas para o proceso.

Presentación no encontro:

http://prezi.com/6ymawprqynvz/?utm_campaign=share&utm_medium=copy&rc=ex0share



CORUÑA
PRÓXIMA

